

**Assalomu alaykum hurmatli Xalq deputatlari tuman Kengashi
deputatlari va onlayn muloqot tinglovchilar.**

**2023 - yilda tuman Xalq ta'limiga qarashli umumiy o'rta ta'lim
maktablari sifat tarkibini oshirish bo'yicha amalga oshirilgan
ishlari yuzasidan Paxtachi tumani Xalq ta'limi bo'limi mudiri**

Anvar Xudoyberdiyevich Nosirovning

HISOBOTI

**Paxtachi tumani Xalq ta'limi bo'limiga qarashli jami 47
umumiy o'rta ta'lim maktabi va 1 ta BABM mavjud bo'lib, bugungi
kunda umumiy o'rta ta'lim maktablarida tahsil olayotgan 26023
nafar o'quvchilarga 2147 nafar o'qituvchilar ta'lim tarbiya berib
kelishmoqda. Shundan oliy toifali 349 nafar, 1-toifali 578 nafar, 2-
toifa 579 nafar, mutaxassis 350 nafar, tugallanmagan oliy 200
nafar va o'rta maxsus ma'lumotlilar 89 nafarni tashkil qiladi.
Bugungi kunda pedagog kadrlarni sifat tarkibini yaxshilash bo'yicha
chora-tadbirlar rejasi asosida tizimli ishlar amalga oshirilib
kelinmoqda jumladan;**

Barcha ta'lim muassasalarida "Ustoz shogird", "Tajribali
ustozdan o'rgan", "Ustozlar bellashuvi", "Mobil metodik" guruhlar
singari bir qator tadbirlar amalga oshirilib, pedagog kadrlar sifat
tarkibini oshirish yo'nalishida o'z samarasini berib kelmoqda. Buni
shundan kurishimiz mumkinki, bugungi kunda pedagog xodimlar
sifat tarkibi bo'yicha 44,4 % sifat ko'rsatkichi bilan viloyatda
birinchi o'rindalikni ta'kidlab o'tishimiz mumkin.

Bugungi kundagi ta'lim tizimimizdagi dolzarb masalalardan biri bo'lgan xorijiy til o'qituvchilarini xalqaro va milliy til bilish sertifikatlari salmog'ini oshirishga bo'lgan intilishlarini qo'llab-quvvatlash yo'nalishida tumandagi 4ta sektor kesimida maqsadli uch oylik o'quv kurslari tashkil etilib, bunda 120 nafar ingliz tili fani o'qituvchilariga, Xalqaro sertifikatga ega tajribali trener o'qituvchilarni biriktirib, dars mashg'ulotlari jadval olib borilmoqda. Amaliy ishlar natijasida 2023-yil boshida xalqaro va milliy sertifikatga ega pedagog xodimlar soni 49 nafarni tashkil qilgan bo'lsa, bugungi kunda 69 nafarga yetganligi va joriy o'quv yilining yakuniga qadar bu ko'rsatkichni 30%dan oshirish bosh maqsad sifatida belgilab olingan.

Joriy yilda tumandagi umumiy o'rta ta'lim maktablarini 1369 nafar 11-sinf o'quvchilari tugallamoqda. OTMga qiziqishlari hamda yo'nalishlarini aniqlash bo'yicha o'tkazilgan so'rovnoma natijasida 1307 nafari OTMga kirish istagini bildirgan. Bugungi kunda bitiruvchi sinf o'quvchilarini OTMga kirish imtihonlariga tayyorlash bo'yicha tumandagi "Registon" o'quv markazi bilan hamkorlikda 11-sinf o'quvchilarigi reja grafigi asosida davlat test markazi sinovlariga tenglashtirilgan sinov testlari olinib, aniqlangan bo'shliqlarni to'ldirish bo'yicha har-bir o'quvchilar bilan individual tizimli ishlar tashkil etilib kelinmoqda. Bu sinovlar natijasida o'quvchilarimiz test sinovlariga tayyorgarlik bo'yicha bilimlarini tekshirish, tahlil qilish hamda test sinovlarida qatnashish ko'nikmalariga ega bo'lishmoqda.

Bo'lim mudiri



A.Nosirov